




Naelaf percom


Va bebalo mu zveri. Idulugalon, naelaf percom (*Oenanthe oenanthe*) ke Nunaata blid koe gola lize mialukafa yanka tir vas 3° ik 8°; arti toloy aksat koe Sudana ok Zambia tigid, lize ina tir vas 23°. Nekev kevaxaks, bata proklama nutid trabiangafa koe fent ke ruga lidam idulupafa awaltara ke afrikafa meila! Cug naelaf percom ke naelafa lenteka kal bwafa Afrika gilamad; icde tel ke ronefa Sibira, gokaiktalasa soluma tir vas kotwoyokon loon kunoye decitmetre. Neken lockrekefa koyara tir tela ke nunaatafi zveri gokaiktalasi valento Atlantika welfa. Lani zveri koe Islanda soktad voxen jontikari va britanafa tursia mevukison kaltalad, battode exuleson vas 1600 ik 1800 decitmetre vamoo bira. Bati zveri tid kalvekackafi ta mana stuva kir gamiafi loon dam teli ke Eurasia isen sinaf wilteem tid lodabrotcaf. Abdi maltalara, sini va sumballekks zanudatas va «bebalo» vanbeded; bat belcetakss kaatoed vas 30 ik 40% va kotafu aldo. Arttialason va Britana, bad abic viel va int tukotrad aze vamoo bira gin divtalad aze va Bizkaia pargalu kal Espana ronthon kaiktalad oke kenotalason va krimta va Franca kaltalad.

Abrotce: 14 cm-
Aldo: 20 - 40 g-
Wiltade: 26 cm-

Letura is plencara. Kadimi arttlara ke naelaf percom va gola lize sina begamud, pune tolonga va int tazakud. Percomye dankar, dile lopekuson va milaskira va aryoni zveri gu inyona cwa. Azon divtalara, va ontine vas 10 ik 20 cm- tictalar aze moi bata letura, ins luber oke altoguter vieli pok maltalaxo va int aykar. Dile dere, tice raporka opelon dankackar. Koe ruga, kota tolonga va tawavomo arte mon 400 ik 500 m- male telo ke ara kereler. Batinde ocek aulapon zo gaad isen adrafa sinka zo rottrasickir.



Bat braniof va naelafa percomya cuxica uljadar. Mo zveri wilewison ipe aze aytar aze wumber. Moi estura abica bruxa is empayini kalda anton zavrad. Zveri is ato va maleturinda ke braniof dilon yorad. Wujaxak va naelaf percom bak talara tir Merlin flawiza gibeaparusu kimon ice ruga; ke 578 zveri esturani gan bat flawezadonit, 72 naelaf percom zo pataday.



Bak talara, naelaf percom, gu batakafa laetosa ke peak is ebeltaf is batakaf zovadot ton trovafee tir rowin keve sult, drikon zo kakrupe. Somer awdapas zveri, kore inieem tir abrotcaf is pranfaf; tice drume sad djukatalar.



Lene raporki ok koe fe, atoxa ke naelaf percom tir kum iweri is colk is zae; kook gu bruxa is im is fema zo paeslayar. Vepedura va bata kova tir grabom ke gadkeem. Akuboyo ok teoyoyo ato remi 13 ik 14 viel zo cwad azen percomoc ba klla vas 15 viel divtalad.

Bat naelaf percom va walduga bal sinafa koyarapa van Afrika remitalad. Nuve jontik is xonuked, kosaf gu zivotc: wale Nunaata is Europa, kiren lanyon dile modomus va tota tid maziapaf ike gebbed.

